

Euskaldun On

IÑAKI SEGUROLA



HORRELAXE irakurtza ari dira jartzen nere bi begiak egunkari edo fedabide honen izenaren aurreneko hitza. Gauza jakina da

zer entzun behar zuen behinolako euskaldun onak igandean edo Jaunaren egun sainduan, baina ez dakienik balego, badaezpada markatuko dut hemen entzun beharreko horiek zirela Jaunaren Hitza eta, ondoren, sermoi latza. Usadio beneragarri hori eginahalean gorde nahi lukeela dirudi orain fedabide honek, eta igandez, igandero ez bada ere, orri-mordoxka-bete prediku, erakusaldi eta dotrina on zabaldu irakurleen arimen probetxurako.

Zaharrak berri, beraz, baina ez, axaetik bederen, zaharberritzerik gabe. Erligio zaharra eternitateari begira bezala, gaurko dotrina berria aktualitatearen mirabe (eta, aldi berean, sortzaile) agertzen zaigu; lehengo betikotasun gatzatutik dilindan bezala, oraingoa gaurkotasun errabiatuaren tiranotzak azpiratzen du. Betiereko Jaunaren lege aldaezin hura astun xamarra kausitzen nonbait gaurko munduari irentsarazteko, eta hargatik sortu bide zen aldakortasun hazkoraren legea, eta, beti-bateko aginduaren tokian, gau-biharretako ezinbestea: «gaur, gauzak hola eta hola dira, eta bihar, ezinbestean, hala eta hala izango dira»; adibidez: «gaur, trenean 250 km. egin behar dira orduko, eta bihar, ezinbestean, 500 km. egin behar dira». Engainagarriagoa egin da legea, Zientziaren arrimuan.

Hemen bota ditudan behar bezala aditzeko, behar zenuke jakin gaur hamabost ekin ziola fedabide honek 'Zientzia eta Teknologia' izeneko tekno-dotrina ateratzeari, eta han, beste fedeko gezur zenbaiten artean, erlijioari deitzen zaiola zientzia, politikari (politika ultrasakindarrari) teknologia, apaizari injineru, modari iraultza, txikizoiari eraikuntza, exekutiboari bidaiaria, hondamenari salbamena, itomenari arnasberritzea, erlojupekoari erosotasuna, erosotunari atzerapena eta urdaia abiadura. Ez da ez, ahuntzaren gauerdiko orgasmoa, eta komeni zaizu jakitea.

Hautetsien
Kontseilua

XAN KOSKARAT



DUELA 15 bat hila-bete, Euskal Herri 2010 taldeak, perspektiba biziki hitzak agertzen zituen Ipar Euskal Herriarentzat. Gaur-

ko tendentziak segituz, hemendik 15 urte barne erakusten ziguten biztanleentzat % 90 itsas aldean biziko zirela, erakusten ziguten iparralde barnekaldea hustuko zela, jendetzea zahartua izanen zela, euskara behin-betikotz hiltzorian aurkituko zela... Perspektiba horiek aspaldidanik salatzen ditugu. Paristar ikertzaileek agertuz sinesgarriagoak agertzen ditazke...

Egoera horri buru egiteko, Garapen Kontseilu bat sortu zuten joanden uztailan, egitura hunk bere lana proposamen mailan mugatua zuelarik. Zazpi hilabete eman dituzte Hautetsien Kontseiluaren bulegoaren izendatzeko. Alabainan, araudien arabera, egitura hunk dituen Garapen Kontseiluak proposatzen dituen obratuko dituen ala ez.

Zazpi hilabete eman dituzte bulego baten izendatzeko. Harrigarria... Zinez nahikeria tipia erakusten digute estada eta proiektu horren bultzatzaileak. Egitura berri horren ahalak ere ez ditugu oraindik ezagutzen. Ez ote da oraino tresna berri bat engantzeko, alegia egiteko, xutik ezarria izan dena? Abertzale batzuek dirudi sustengatzen dutela... Pragmatismoaren izenean, urrats tipien politikari izenean... Nago pentsaketa ea, emeki-emeki, ixil-ixilik, gure herri izaitearen behin-betikotz galtzen ez garen ari.

EL MUNDO

GAL taldeak eta
Eusko Legebiltzarra

Hiru alditan eman dio ezetza Eusko Legebiltzarreko Mahaiaik GAL taldeak ikertzeko batzorde bat osatzeaz eztabaidatzeko eskaerari. Lehendakariak ezetz sendo bera adierazi du. Hala ere, beren argudioak ez dira hain erabatekoak. Ez Mahaiarenak, ez baitira neurri horretara iristen; ez Ardanzarenak, erruz gaintitzen baitute.

Mahaiak arauzko legalitatean oinarrituta arrazoitzen du: proposamenak, dio, ez du behar adina zehazten ikergaia, oso gutxi argumentatuta dagoena. Formalismoak askotan borondate politikorik ezaren parapeto dira, are gehiago «zehaztasun nahikoa» bezain kontzeptu zehazgabean


oinarrizten denean. Osakidetza-ko iruzur kasuan Mahaia ez zen hain zorrotza izan.

Bere joran deskalkifikatzaileen, Ardanzak esan ere esan du Andaluziako Parlamentuan Eusko Legebiltzarrean adina motibo badaudela batzorde hori eskatzeko. Hasteko, IUK eta HBK GALEn ekintzak, beren sare operatiboa eta erantzukizun eta inplikazio politiko eta polizialak —«EAEn»— ikertzeko eskatzen zuten. Gutzia agertzeko asmorik ez duen zerrendatze bat eginez, honako hauek aipa daitezke:

— Jarduera judizialak —Amedo eta Sancristobalen kondanak; Sancristobal eta Planchuelo espetxeratzea—, euskal kargu politikoekin lotura organikoa duten kargu polizialen inplikazioa iradokitzen dutenak.

— EAEn Indar Armatuak gaitzeko hierarkia zuten agintariak ikertzeko ezinbesteko obligazioan izandako omisio deigarria.

HEMEROTEKA



ZULET / EL CORREO

— Amedo eta Dominguezen adierazpenak, euskal politikariak nahasten dituztenak; horietako bat, epailearen aginduz, askatasuna murrizten duten neurrien pean dago.

— Veraren adierazpenak, euskal enpresarietara gerra zikina finantzatzea egotzen dietenak.

— Biktimen gehienak euskal herritarrek dira eta horietako bat, Santiago Brouard, euskal parlamentaria.

Lehendakariak zioen nahikoa leienda beltza jasaten duela Euskadik guk geuk susmo gehiago sortzeko geure uesteko inplikazioak ikertuz. Argudio hori baliagarria litzakete edozein batzorde baliogabetzeko baina, era berean, argudioa daiteke ezetzak berarekin batera dakarrela trama zabalegia eta trinkoegia izan daitekeen beldurra dagoela.

EDITORIALA

LUZENDARIARI

Barazkiak eta bokatzak
(Ondarroa, 1995)

— Esan didate gaur betetzen dela urtebete Juan Calvo atxilotua Ertzaintzaren komisaldegi batean hil zela. — Gas usaina, badakizu nolako den? — Ondarru, kostaldeko herrixka bat da. — Porrua barazki mota bat da. — Herriotza, bizi-eza omen da. — Herri filosofiak agintzen duenez, autoritatea soilik legitimitatea duenak omen dauka. — Ondarrun filosofatzea asko gustatzen zaigu. Kale-tabernan hobe marfilezko dorreetan baino. — Ondarrun, egurrak barazkiak jaten ditu. — Porrak egurrezkoak dira; bokatzak, metalezkoak. *Elemental, querido Watson*. — «Imanol zipayuk hil dabe», kostaldeko eslogan bat. — Josu, ordea, ez da hil. Gustatzen zaizu Josu izena? — Guau, guau, guau. Hori gure txakurrak egiten du. Aupa Uda. — «Portuondok» portuaren ondoan dagoena esan nahi omen du. *Yo también, de mayor, quiero vivir junto al puerto*. — Lekitxo oso herrixka polita da berantetzeko. *Obvio*. — «Pistoleroak, hiltzaileak», gure herriko beste kontsigna bat. Oso eskandalosoak gara, badakizue: «sardiñeruk». — Bihotza muskulu bat da. Descartes dixit. — Gizaki ororen helburua lasai eta orekan bizitzea da. Platon dixit. (Bi hauek ez dira lehengusak, baina ia). — Muskulua gelditu, Imanolik ez. — Muskulua gelditu eta Ondarrun 1.500 terrorista batzea, dena bat. — Ondarrun zapi beltzak soberan eta bakezaleak faltan. — «Zu benga etxea, zarra zaz eta».

«Ez, ni hamentxe; nire familaxko bat eonezio barrun, jenti ikusti gustakoleztake kanpun». — Elkartasuna? Ez dut aurkitzen hiztegiaren... — Ondarrutarrak hiztegi gutxi irakurtzen dituzte; beharrik ere ez. — Gora gure amak (porrazoak 55 urtetako hankek kontra). — «*Que se vayan*» kantua gorridunei? *¡Estos galos estan locos!* — Gaueko hamarrak. Irratien albisteak; bi bertsio, kontrajarriak beti lege. *Atucha, 'mentiroso subsidiario'*. — Ondarru hamar bat mila lagunekin herri euskalduna da. Ondarrun, txarrerako eta onerako, denok ezagutzen dugu elkar. — Ordena zaintzaileak (ordena eta zaindu, neohitler hauen biblia berria. Mein Kampf bezalako obra ederra gauzatu ez duzelako JELoskor ala?). — Berdin jartzen diren xake-peoiak denak, erdal-dun peto-petoak gehienak eta ezezagunak herrian ia denak (kai ondoan bizi direnak ezik, noski). — Ondarrun identifikazio arazoak duten bakarrak beraiek dira; guk denok ezagutzen dugu elkar, familiako goitienak horretarako daude (ene kasuan, «mariarosa plaikun semi», zentsorea oraindik kontaratu ez bada). — Ondarrun, kanpo espaziotik erorritako extralurtarrak zarete. *Zippy, go home*. — «*Quien identificarnos, tienes un problema...*» dio La Pollak. Arazoa zuena da, ez gurea. — Herri malaletxea gainetza dagoenean, udaberriko enara-kaka oro beti polizia baten buru gainera da eroriko (Murphy's law. XXVIII). Hala bedi. — Herriko abertzale baten gorputza gorpu bihurtzea eta taberna-denda guztiak ixtea Cosmoseko kasualitate bat besterik ez da. Edo

kausalitatea da? — Punkyak negarrez, pasotak Eusko Gudariak kantari, pasiboak pasealdi erreibindikatiboan eta ezin klasikoagoak diren Marialuisa-Goenkaletarrak «*mecauenluta cabrones-ka*». Gure Porru, martirraz gain, mirakulu sortzaile. — Ondarru, otsailak 9: bihotz ilunek tabernen iluntasunarekin bat egini. — Ondarru, otsailak 10: inoiz baino giza mugimendu handiagoa geldirik dagoen herri fantasmagorikoan. — Zergatik Donostiako Udaltzaingoa «Duncan Dhu» darama kapelaren izkiriaria? Londongo bobbyek «Police» daramatelako! Police? KK zuentzat. — Batzuentzat jaieguna, besteentzat egun hita. Eskolak kieta. Ikasleen errealtate-analisi gazigeza. Irakasleok? Geldirik. Muruaren beste koplak bat. — Komunika(?)bideen jardun kupidagabea, etengabea hemendik aurrera: egia erdiak, espertoen tertuliak, bertsio orwelliarak. 1984? Ez. 1995. — Guau, guau, guau! Ixilik, Uda. — Herriarrazon analisi xinglea: Ertzañak Imanol hil dabe. Argumentuak eta intuizioa soberan. Mikrofonorik ez, eztarria. Bertsio ofizialik ez, balkoitik ikusia. Saloirik ez, asfalto (no se si he faltau pero hemos kalipoteau muchas calles). — Ze engotzau ba, dabilenai pasatengako. Baakixu honek zelakuk dizen... — Gora porroak, behera porrak eta gora porruak: *In nomine patris et fili, etc.* — Gauza txarrak segituan ikasten ditugu eta ederrena ikastetxearen ordaina bizitza bera da. — *Ego te absolvo, Porru. Amen*.

KEMEN URANGA ARTOLA
Ondarroa (Bizkaia)

GAIA JARRITA

Marcos
Komandantea

Subkomandante Marcos haundia berriz albiste egina, orain Rafael Sebastian dela munduak gaur du jakina. Elkarriketak etenda daude berriz burruka gordina, irudi batek ez du mugatzen zapatisten ahalegina. Pobreziaren oihu garratzak beti aurpegi berdina.

JOKIN SOROZABAL

Egunkaria

Batzorde Parekidea: 72564 E / Lege Gordailua: SS 800/90



OJDK IKUSKATUTAKO HEDAPENA

Administrazio Kontseiluko Lehendakaria: MARTIN UGALDE

Kontseilu Editorialeko Zuzendaria: JOAN MARI TORREALDAI

Kontseilari Ordezkarria: IÑAKI URIA

Zuzendaria: MARTXELU OTAMENDI

Gerentea: FERMIN LAZKANO

Publizitatea: MARI JOSE SARASA

HELBIDEAK

Egoitza nagusia: Gudarietorbia, 45-13. esk. / 20140 Andoain
☎ 30 02 22 / Erredakzio faxa: 30 02 55 / Publizitateko faxa: 30 07 07

Araba: San Antonio, 20-1. ezker. / 01005 Gasteiz / ☎ 23 38 72 / Faxa: 23 38 73

Nafarroa: Iratxe Monastegia, 45-13. esk. / (Irrintzi dorrea) / 31011 Iruñea
☎ 17 80 78 / Faxa: 17 80 77Bizkaia: Zabalburu Enparantza, 2-1. ezker. / 48003 Bilbo
☎ 410 40 46 / Faxa: 410 37 15Lapurdi / Nafarroa Beherea / Zuberoa: Pannecau 14, 1/503 Posta
kutxatila, / 64100 Baiona / ☎ 59 59 35 75 / Faxa: 59 25 75 11